



ივლისი და ოქტომბერი.

ფ2273/15524
რ. ს. მ. მ. კ.

პროლეტარებო, ყველა ქვეყნისა შერთდით!

514 ბ რ ძ მ ლ ა

ორგანო თბილისის ბოლშევიკებისა.

№ 2—4

[1908]

დღევანდელი ვითარების კითხვები.

II

პირველ წერილში ჩვენ გამოვსთქვით აზრი რევოლუციისა და მთავრობის ძალთა სამკედრო-სასიცოცხლო შეტაკების აუცილობაზე ახლო მომავალში. მარა იმაზე, თუ ვისი წინამძღოლობით, ვისი დროშით მოხდება რევოლუციონური გამოსვლები, ჩვენ იქ არაფერი გვითქვამს.

პროლეტარიატისა და გლეხკაცობის დიქტატურა — ილიუზიაა; ახალ რევოლუციონურ გამოსვლებს ტონს მისცემს ბურჟუაზია — გაიძახიან ერთხმით ამხ. მენშევიკები. „პროლეტარიატის ახალი ძლიერი რევოლუციონური გამოსვლა ბევრათ დამოკიდებულია ბურჟუაზიის იმ პოზიციაზე, რომელსაც ის დაიჭერს“ (დან) „არ შეიძლება მოხდეს რაიმე რევოლუციონური გამოსვლა, თუ ეს ბურჟუაზიას არ სურს, ამბობს კავშირის მენშევიკების ლიდერი, ამხ. ანი, და მისი აზრით ჩვენი ტაქტიკაც შეფარდებული უნდა იქნას თანახმად სწორეთ ასეთი შეხედულობისა. „საერთო მტრის წინააღმდეგ პროლეტარიატი ხელი-ხელ ჩაკიდებული უნდა მიდიოდეს ბურჟუაზიასთან ერთათ; მარა ისე კი, რომ თავისი შეურიგებლობით არ ასუსტებდეს ბურჟუაზიასთან სოლიდარობას და მასთან გადაჭარბებული შეთანხმებით არ ითქვიფებოდეს მასში“.

ამხ. ანთან ერთათ ამავე პოზიციაზე დადგა ამიერ-კავკასიის ორგანიზაციების სიეზდიც. „მეორე სახელმწიფო ღუმის გარეკის შემდეგ — ამბობენ ამხ. მენშევიკები — პოლიტიკური ბრძოლა გართულდა: პროლეტარიატის წინააღმდეგ ეხლა გაბოძდა არა მარტო ბიუროკრატია, არამედ ბურჟუაზიაც; ბურჟუაზიამ წამდვილი კამპანია გამართა პროლეტარიატის ეკონომიურ პირობების გაუმჯობესობათა და მის გეგმონიის წინააღმდეგ. ბურჟუაზიული ოპპოზიცია ეხლა აღარ ენდობა პროლეტარიატს, როგორც რევოლუციის ხელმძღვანელს და

სხვა და სხვა ასე რომ ამხ. მენშევიკების სიტყვით წავიდა ის დრო, როცა პროლეტარი სათავეში ედგა განმათავისუფლებელ მოძრაობას. ეხლა წინამძღოლ-ხელმძღვანელის როლი ბურჟუაზიას ეკუთვნის, ეხლა ყოველი რევოლუციონერი გამოსვლა ბურჟუაზიის პოზიციაზეა დამოკიდებული.

როგორც ხედავთ, ამხანაგებო, აქ დიდი არეგ-დარეგაა, დღევანდელი ვითარების გაურკვეველობაა... გავარკვიოთ რამოდენიმედ მაინც ეს დახლართული კითხვა და მით იქნებ გზა გაუკვლიოთ ზოგ ჩვენ დაბნეულ ამხანაგს.

საზოგადოების ლიბერალური წრეები თანაუგრძნობდნენ, ტაშს უკრავდნენ პროლეტარიატს მანამ ვიდრე, მის ბრძოლას სტიქიური, „განთვითებული“ და მოუწყობელი ხასიათი ჰქონდა, — მანამ ვიდრე ბურჟუაზიას კიდევ იმედი ჰქონდა პროლეტარიატის ბრძოლას მხოლოდ საკუთარ მიზნისთვის გამოიყენებდა, — ვიდრე პროლეტარიატი მისთვის გამოსადეკი იქნებოდა, როგორც იარაღი აბსოლუტიზმის ციხე-სიმაგრის დასაწგრევად; აი რით აიხსნება ის გარემოება, რომ ბურჟუაზიამ განსაკუთრებული თანაგრძნობა გამოუცხადა ოქტომბრის საყოველთაო გაფიცვას და მერე ზიზღით შეაქცია ზურგი შემდეგ მოძრაობას. „ოქტომბრის რევოლუცია იყო მშვენიერი რევოლუცია. დეკემბერში კი თავი წამოყო საშინელმა მხეც-მაო“, ჰყვიროდნენ და ჰყვირიან დეკემბრის აჯანყებით თავზარდაცემული ლიბერალები. და მართლაც, როდესაც პროლეტარიატმა თავისი საკუთარი მოთხოვნები წამოაყენა, როცა პროლეტარიატის ფართე მასისთვის გასაგები შეიქმნა ხალხის უფლების იდეა, როდესაც გამოაშკარავდა, რომ რევოლუცია ესწრაფის ბოლომდე მივიდეს; მოახდინოს სრული დემოკრატიზაცია და სავსებით განახორციელოს თავისი ისტორიული მიზანი, როცა რევოლუცია თავის საკუთარ ინტერესების სამსახურს იწყებს და ლიბერალთა მიზანს შორდება, ერთი სიტყვით, როცა რევოლუცია თავის თავს იგნებს, მაშინ ბურჟუაზიაც „იმედს ჰკარგავს“ და ზურგს იბრუნებს მისაკენ, უკეთ

რომ ვთქვათ, ხდება მის მოსისხლე მტრათ, გადადის კონტრ-რევოლიუციის ბანაკში. ის როგორც ჭირს, ისე გაუბრის რე-ვოლიუციას, ეშინია მისი და ყოველ ღონეს ხმარობს იარაღი აპყაროს მას: მის საწინააღმდეგოთ ფართეთ ავრცელებს კონ-სტიტუციურ ილლიუზიებს და რევოლიუციასთან ბრძოლაში ბიუროკრატიის ერთგულ მოკავშირეთ გამოდის. ამიტომ თქმა არ უნდა ის იოტის ოდნავ ვერ თანაუგრძნობს რევოლიუცი-ას და მის ხელმძღვანელობაზე ლაპარაკი ხომ სულ მეტია! იმაზე სასაცილო არაფერია, როცა ასეთ რასმე ამტკიცებენ; ეს სწორეთ ბავშვური გულუბრყვილობაა, ბავშვური გაგებაა ეხლანდელი ვითარების. ამხ. მენშევიკებმა დღემდე თარიღის აღნიშვნაც ვერ შესძლეს სწორეთ: მათი აზრით ბურჟუაზიამ მეორე დუმის გარეკის შემდეგ იცვალა გული რევოლიუციაზე და პროლეტარიატზე, როცა ვითომ პროლეტარიატმა ვერ გა-მოიჩინა შესაფერი ნიჭი, როგორც რევოლიუციის ხელმძღვა-ნელმა. ამხანაგი მენშევიკები ვერც კი ამჩნევენ, რომ ბურჟუა-ზიის პროლეტარიატთან ბრძოლაში ივნისზე გაცილებით აღ-რე დაიწყო, სწორეთ მაშინვე, როგორც კი ოქტომბრის სა-ყოველთაო გაფიცვა გამარჯვებით დასრულდა და როგორც კი პროლეტარიატმა თავისი საკუთარი ინტერესებისათვის იწყო ბრძოლა. აი ამ დღიდანვე უგზავნის შეჩვენებას ბურჟუაზია რევოლიუციას, აქედან იწყებს ბრძოლას მის წინააღმდეგ: ცდილობს მის გაქრობას; ამ მიზანს ემსახურება ის მთელი თა-ვისი არსებით, მთელი თავისი ენერგიით; ამავე მიზანს ემსა-ხურებოდა ლიბერალების მოღვაწეობა სამივე დუმაში, ამავე მიზანს ემსახურა ცნობილი „ვიბორგის მოწოდება“, რომელ-საც ისე ქება-დიდებით იხსენებდნენ ამხ. მენშევიკები. ამ „მო-წოდების“ მიზანი თვითონვე აგვიხსნეს ჩინებულათ ბ.ბ. კადე-ტებმა. აუარებელი „ბრწყინვალე სიტყვები“ დახარჯეს მათ ამის ასახსნელათ „ვიბორგის პროცესის“ დროს. რა აზრი ჰქონდა ყველა ამ სიტყვებს? — „დუმის გარეკას, ამბობდნენ კადეტები, შეეძლო გამოეწვია სახალხო აჯანყება და ჩვენ გვინ-დოდა ეს თავიდან აგვეცილებიაო. ყველას ეშინოდა, ყველას ეგონა მაშინ, რომ დუმის გარეკის გამო სახალხო აჯანყებ-

დაიწყებოდაო“. პირველი სახელმწიფო ღუმის თავმჯდომარის, ბ. მურომცევის სიტყვით, მაშინ „ყველა იმას გაიძახოდა, რომ რაღაც სასიკეთო არ მოხდებოდა; პირდაპირ გეტყვით, განაგრძობს მურომცევი მსაჯულთა წინაშე, რომ ამბობდნენ აჯანყება დაიწყებოდა, მარა არა პეტერბურგში, არამედ დაბა სოფლებშიო“. და მერე რა უნდოდათ კადეტებს ექნათ ამ მოსალოდნელ აჯანყების შესახებ? აი დაუგდოთ ყური თვითონ მურომცევს.

„როცა მთიდან მძლავრი ნიაღვარი მოსკდება და იმ სოფელს, რომელიც მის გზაზე მდებარეობს, წალეკას უქადის, მყისვე ჯებირის კეთებას იწყებენ, რომ ნიაღვარი შეაჩერონ; მარა ვინც ფიქრობს, რომ მისი შეჩერება შეუძლებელია, ისინი სხვა საშუალებას ეძებენ; მაშინვე არხების თხრას იწყებენ, რომ სხვა გზა მისცენ ნიაღვარს და ამნაირათ ააშორონ ის სოფელს, რასაც წალეკას უპირებდა. სახელმწიფო ღუმის წევრები ფიქრობდნენო, ამბობს ბ. მურომცევი, რომ მთავრობა სწორეთ ასეთი თვალთ შეხედავდა „ვიბორგის მოწოდებას“. რა თქვა ამავე საგანზე ამხ. რამიშვილმა, რომელიც კადეტებთან ერთათ იყო ამ საქმისთვის პასუხის გებაში მიცემული? მოისმინა რა კადეტების სიტყვები ამხანაგმა წარმოსთქვა: „მე ვფიქრობ, შესაძლოა, ჩვენმა ვიბორგის მოწოდებამ უფრო ხელი შეუწყო ხალხის დამშვიდებას, რაც, უნდა გამოვტყდე, ჩემი მიზანი არ ყოფილა, როცა ცნობილ მოწოდებას ხელს ვაწერდი. შესაძლოა, რომ ამ გარემოებამ უფრო მთავრობას მოუტანა სარგებლობა: შესაძლოა, მართლაც ააშორა მას ხალხის გულისწყრომა, სახალხო მოძრაობა“.

მურომცევის სიტყვის შემდეგ ამხ. რამიშვილი ისევ თხოვილობს სიტყვას და ამბობს: „ბატონო თავმჯდომარე! გთხოვთ ნება მომცეთ კიდევ ორიოდ სიტყვა დაუმატო იმას, რაც წინათ ვთქვი. მე მინდა აღვნიშნო, რომ, როცა ვიბორგის მანიფესტს ხელს ვაწერდი, პირადათ მე, რასაკვირველია, სულაც არ მქონებია სახეში, ამ მოწოდებით სახალხო მოძრაობისთვის განზე მიმეცა გზა და მით მთავრობისთვის ის ამეშორებინებია. ეხლა კი ყველასათვის ცხადი უნდა იყოს,

ძვირფასო ამხანაგო!

მაპატიეთ, რომ პასუხი ადრე ვერ მოგწერეთ. დამავიანდა იმიტომ კი არა, რომ თქვენი წერილი ინტერეს მოკლებული იყოს, არა, თქვენი წერილი მეტათ საჭიროთ და საგულისხმოთ მიმაჩნია, მარა რადგანაც მე ეხლა ვმოგზაურობ მან ჩემამდის მხოლოდ გუშინ მოაღწია.

სამწუხაროთ ამ ხანათ, რადგან ვმოგზაურობ და ხელს არა მაქვს საჭირო წყაროები, არ შემიძლია ყოველმხრივი და დამაკმაყოფილებელი პასუხი მოგცეთ თქვენს შეკითხვებზე იძულებული ვარ ეხლა დავკმაყოფილდე მხოლოდ რამდენიმე სტრიქონით

თქვენ მიერ წამოყენებული კითხვა ფრიად ძნელი გადასაჭრელია, მით უფრო, რომ ის ქვეყანა, რომელსაც ეს კითხვა შეეხება, ძალიან ნაკლებათაა შესწავლილი, სადაც უცრათ გამოჩნდნენ ახალი ჯგუფები და ძალები, რომლებსა წინათ თვით იმავე ქვეყანაში არ იცნობდნენ და სადაც საზოგადოებრივი ვითარება დღითი დღე საოცრათ იცვლება.

მაგრამ ყოველ შემთხვევაში დამშვიდებული სინდისით შეიძლება ითქვას, რომ სპარსეთის სოციალისტები ვალდებული არიან მონაწილეობა მიიღონ თავიანთ ქვეყნის დემოკრატიულ მოძრაობაში.

შეუძლებელია მებრძოლმა სოციალისტმა რევოლუციონერებს გულზე ხელები დაიკრიფოს და განკერძოებული პოლიტიკური მეთვალყურის როლი იკისროს. თუ ქვეყანა იმდენად განვითარებული არაა, რომ თანამედროვე პროლეტარიატს წარმოუშობოს, მაშინ სოციალისტებს მხოლოდ დემოკრატიული მოძრაობა აძლევს საშუალებას, რომ მათ მონაწილეობა მიიღონ რევოლუციონერ ბრძოლაში.

მარა აქ სოციალისტები არ იბრძვიან როგორც უბრალო დემოკრატები, რომლებიც გაჟღენთილი არიან ბურჟუაზიული და წვრილ ბურჟუაზიული ილიუზიებით, არა, ისინი დემოკრატიის ბრძოლაში ხედავენ კლასთა ბრძოლას და კარგად იციან, რომ დემოკრატიის ამ ბრძოლაში გამარჯვებით პოლიტიკური ბრძოლა კიდევ არ თავდება, ნამდვილათ კი გამარჯვება დასაწყისია სხვა ახალი, უცხო ბრძოლისა, რომლის წარმოება აბსოლუტურ წყობილებაში თითქმის შეუძლებელია.

მართალია დემოკრატიულ მოძრაობაში, რომელშიც ჩაბმულია ქვეყნის ყველა მშრომელი ჯგუფები, ყოველთა

ჩნდებ, რეაქციონური ტენდენციი (მიდრეკილება), რომლის მატარებლათ გამოდის წვრილი ბურჟუაზიის და გლეხ კაცობის ზოგი ნაწილი, მაგრამ ეს სულაც არ აძლევს საბუთს სოციალისტს, რომ ის არ ჩაერიოს ბრძოლაში; ეს მხოლოდ მიზეზია იმისი, რომ მან უთუოთ უნდა მიიღოს მონაწილეობა დემოკრატიულ მოძრაობაში და ებრძოდეს სწორეთ მის რეაქციონურ ტენდენციებს. ასეთ ტაქტიკას აწარმოებდა 1848 წელში კარლ მარქსი. როდესაც ჯერ კიდევ არ იყო ისეთი პირობები მომწიფებული, რომ შესაძლო გამხდარიყო ძლიერი პროლეტარული პარტიის შექმნა.

უცხოეთის კაპიტალის წინააღმდეგ მოძრაობას უთუოთ რეაქციონური ხასიათი როდი აქვს. ცხადია რკინის გზები და მსხვილი მრეწველობა სპარსეთისთვისაც ისევეა საჭირო, როგორც სხვა ქვეყნებისთვის; მაგრამ სპარსეთი უკვე შემდგარია კაპიტალიზმის გზაზე და შესაძლოა, უფრო მეტი სიჩქარით წავიდეს ამ გზაზე, რომ მას არ ყვლეფდეს უცხოეთის კაპიტალი. ეს კაპიტალი სპარსეთში არა მარტო სამრეწველო კაპიტალის სახით მოქმედებს, არამედ ის იქ გაცილებით უფრო მეტათ მძვინვარებს, როგორც სავაზო კაპიტალი, ამ სახით ის ყვლეფს მთელ ერს და აგრეთვე გლეხკაცობას, რომელიც გადასახადების სახით ყოველ წლივ იხდის სახელმწიფო ფულების სარგებელს (პროცენტებს) ამ ნაირათ გლეხკაცობა სულ უფრო და უფრო დატაკდება და თან და თან ერთმევა მას საშუალება, რომ შეიძინოს მრეწველობის ნაწარმოები ნივთები. აი რატომაა, რომ უცხოეთის კაპიტალი სპარსეთში სწორეთ ისე, როგორც რუსეთში, აჩერებს და ჰბოქავს შინაურ ბაზრის განვითარება გაფართოვებას და ეს კი აუცილებელი პირობაა მსხვილი მრეწველობის განვითარებისათვის.

როცა გარეშე კაპიტალისაგან სპარსეთის ექსპლოატაცია მოიხსობა, მაშინ შინაური ბაზარიც ზრდას იწყებს იქ ისე, როგორც შინაური კაპიტალი, რადგანაც ზედმეტი ღირებულება ადგილობრივ დარჩება.

და პროლეტარულმა მოძრაობამ, რომ რომელიმე ქვეყანაში უმაღლეს განვითარებას მიაღწიოს, ამისთვის აუცილებლათ საჭიროა დემოკრატიისათვის არა მარტო პოლიტიკური თავისუფლება, არამედ მთელი ამ ნაციის სხვა ქვეყნის გავლენისაგან დამოუკიდებლობა და ეს არა მარტო პოლიტიკურათ, არამედ ეკონომიურათაც.

ამასთან ამ სახით, თავიდან იშორებს რა აღმოსავლეთის ხალხი თავის სამშობლოში უცხოეთის კაპიტალიზმის უღელს და ამზადებს რა ნიადაგს თავის ქვეყანაში სოციალიზმის დასამყარებლათ, ის ჩვენთვისაც მუშაობს: აჩქარებს ევროპაში პროლეტარულ რევოლუციის დაწყებას, ვინაიდან მისი და მოუკიდებლობისათვის ბრძოლა ასუსტებს ევროპის კაპიტალიზმს და ღონეს მატებს პროლეტარიატს.

მაგალ. რუსეთის რევოლუციას რომ გაემარჯვებია და რუსეთის ხალხს უარი ეთქვა სახელმწიფო ვალების გადახდაზე, ეს გარემოება თავის მხრივ ერთგვარ რევოლუციას გამოიწვევდა საფრანგეთში. ან კიდევ ინდოეთმა და ეგვიპტემ რომ დამოუკიდებლობა მოიპოვოს და ინგლისის ბატონობისაგან განთავისუფლდეს, ამით ძირფესვიანათ შეირყევა ინგლისის კაპიტალიზმი და თვალსაჩინოთ გაღრმავდება ინგლისის პროლეტარიატსა და კაპიტალისტებ შორის წინააღმდეგობა. ამ ნაირათ სხვათაგან და მსმალეთიც, იბრძვის რა საკუთარი თავის უფლებებისათვის, — იბრძვის მთელი ქვეყნიერების პროლეტარიატის განთავისუფლებისათვისაც.

იმედი მაქვს, ძვირფასო ამხანაგო, ეს რამდენიმე, საჩქაროთ დაწერილი სტრიქონი ამხანათ თქვენ დაგაკმაყოფილებთ. ბერლინში რომ დავბრუნდები, ვეცდები საფუძვლიანათ შევისწავლო სპარსეთის საქმეთა მდგომარეობა თუ დრომ და გარემოებამ ხელი არ შეგვიშალა.

ყოველ შემთხვევაში, ჩვენთვის ძალიან საჭირო იქნებოდა მიგვეღო უტყუარი ცნობები სპარსეთის რევოლუციონურ მოძრაობაზე, მის პრინციპებზე, ტენდენციასზე და იმ კლასებზე, რომლებიც მის მთავარ ძალებს წარმოადგენენ.

მე დიდი სიამოვნებით მოვათავსებდი თქვენს სტატიას ამ თემაზე ჟურნალ „ნოუ ცაიტში“, რომელსაც ყველა ქვეყნებში კითხულობენ. თქვენი მარქსისტული თვალსაზრისი სტატიას ფრიად შინაარსიანათ გახდის და ჩვენ უფრო დავანახებებს საგანს ნათლათ, ვიდრე ისეთი მკვლევარი, რომელიც ჩვეულებრივ დემოკრატიულ თვალსაზრისზე დგას.

დარწმუნებული ვარ, თქვენ ამ ბარათს მიიღებთ მიუხედავად იმისა, რომ ქალაქი, რომელშიაც თქვენ იმყოფებით, რევოლუციონურ მდგომარეობაშია. გიძღვნი ამხანაგურ სალამს და გისურვებთ გამარჯვებას თქვენ და ყველა ამხანაგებს.

ამხანაგური სალამით კარლ კაუცკი.

დ. ნ. ტოლსტოის ოთხმოცი წლის შესრულების გამო.

Так храм оставленный—все храм,
Кумир поверженный—все бы.
Лермонтовъ.

აგვისტოს გასულს მთელი რუსეთი სცდილობდა, აღე-
ნიშნა თავისი შეხედულება რუსეთის დიდებულ მწერალ ლ.
ნ. ტოლსტოიზე. ბურჟუაზიამ ის უდიდეს მხატვრულ-ბელე-
ტრისტულ მწერალად და უდიდეს მოაზრეთ გამოაცხადა. 'მაგ-
მა რაზმმა ტოლსტოის პატივსაცემ დღესასწაულს თიქმის
ისე შეხედა, როგორც რევოლუციურ გამოსვლას და დიდე-
ბული მოხუცი წყევლა-კრულვით მოიხსენია. როგორღა უნ-
და შევხედოთ ტოლსტოის ჩვენ, პროლეტარებმა? მივაკუთ-
ვნოთ უნდა ის ჩვენებს? მის საიუბილეო დღეს უნდა შევხე-
დოთ, როგორც დღესასწაულს აზრისას? ან და უყურადღე-
ბოთ აფუაროთ მას გვერდი და ჩავთვალოთ ის უბრალო,
ჩვეულებრივ დღეთ.

ხელოვნებისა და ლიტერატურის დიადი ნაწარმოებნი
სრულებითაც არ არიან უცხონი და ზედმეტნი პროლეტარე-
ბისათვის. წინააღმდეგ, რაც დრო მიდის, ხელოვნების ნაწარ-
მოებნი უფრო და უფრო ხდება პროლეტარიატის სამკვიდ-
როთ. ფილოსოფიური სული არისტოკრატ-ელლინელთა
მკვიდრდება აქამდე გათვალწინებულსა და დამცირებულ პრო-
ლეტარიატში. ასე, ან დაახლოვებით ასე ამბობს კაუცკი.
მხოლოდ იდეურ სიმშვენიერეს მოყირკებულმა ბურჟუაზიამ
იბრუნა პირი გენიოს ავტორთაგან და მოიყარა თავისი ბე-
რული მუხლები დეკადანსისა და პარნოგრაფიის წინაშე.
პროლეტარიატი კი როგორც ჯანსაღი მემკვიდრე კაპიტა-
ლისტური წყობილებისა, აფასებს ყველაფერს, რაც კი სასი-
კეთო რამ მოგვცა ამ წყობილებამ. ლ. ტოლსტოისაც, რო-

გორც რომანისტს, ყოველთვის წაიკითხავენ და პატივს სცემენ მკითხველი პროლეტარები. „ომი და ზავი“, „სევასტოპოლის ამბები“, „სიბნელის ძალა“, „ნაყოფი განათლებისა“ და სხვა ყოველთვის უმაღლეს წერტილამდე დამატკობელნი იქნებიან მუშათა კლასისთვის. ჩვენ გვეტყვიან, „უწმინდესი“ სინოდის არ უარყოფს ტოლსტოის ასეთ ღირსებას. ნუთუ, გვეტყვიან ჩვენ, თქვენი შეხედულება ტოლსტოისთვის ისეთივეა როგორც იმ ხუცებისა, რომლების კრებულიც აინოდს უწოდებს თავის თავს? თქვენც ხომ უარყოფთ და ამაგებთ ტოლსტოის ფილოსოფიას.

როცა ტოლსტოი რკინის უროსავით მძიმე სიტყვით ანგრევს საშვალო საუკუნოების ნაანდერძე ყალბ შეხედულებებსა და ცრუმორწმუნოებათ და ააშკარავებს ხუცების „შარლატანობას“, მატყუარობას, როცა ტოლსტოი თამაში სიტყვით ყვედრის და ჰკიცხავს პირდაპირ მეფეებს და უძახის მათ თავის „არა კაც ჰკლა“, როცა ტოლსტოი უჩვენებს ზედმეტობას და ზარალს მხედრობასა და მილიტარიზმისას; როცა ის სწერს ომიანობის წინააღმდეგ და იწვევს წავიდნენ ომში „ხუცებს, ვაჟრებს და მიტროპოლიტებს, მაშინ ჩვენ ვამბობთ რომ ის ათასჯერ მართალია, როცა ტოლსტოი საშინელებათათვის სთვლის თანამედროვე სამეურნეო წყობილებას კლასიურ წინააღმდეგობათ და აღშფოთებული იკითხავს: ნუთუ ეს ასე უნდა იყოსო? პროლეტარები აღტაცებით კითხულობენ ასეთ სტრიქონებს და ძლიერ ბევრნი ნაკლებათ შეგნებულთაგანა მის შემდეგ იმეორებენ „ნუთუ აგრე უნდა იყოსო?“

როცა ხედავს რა სახრჩობელაებს, რომელნიც ისე უხვად იღვმება მთავრობის მიერ მთელ რუსეთში ტოლსტოის შეზარული წერს „მეტი ღუმილი არ ძალმიძსო“, მაშინ ჩვენ პროლეტარები გავიძახით: „არც ჩვენ შეგვიძლიან მეტი ღუმილი და ვაი მათ, ვინც დამშვიდებული უცქერის რუსეთის ახალ სამკაულს“. ერთი სიტყვით ჩვენ ვსთვლიდით და ვსთვლიდით ტოლსტოის ჩვენად, როცა ის კრიტიკას უწევს თანამედროვე ცხოვრების საფუძვლებს. და ვინ იცის რამდენ სოციალ

დემოკრატს ჩაუთვალა მთავრობამ დანაშაულობად ტოლ-
სტოის ნაწარმოებთა კითხვა? 11

მაგრამ, როცა შევხება ტოლსტოის მოძღვრების დადებით
მხარეს, ჩვენ არ შეგვიძლია ამაში დავეთანხმოთ მას, და ზოგ-
ჯერ გულგრილადაც არ შეგვიძლია ამ დიდებული მწერლის
დაწერილ სტრიქონების წაკითხვა. გულის ტკივილით ვხე-
დავთ ზოგჯერ, როგორ გადაღას თავისდა შეუმჩნევლად ეს
გენიოსი მწერალი და გაბედული უარყოფელი რეაქციის
ბანაკში. ჩვენ ვერ დავეთანხმებით ტოლსტოის, როცა ის
უარს ყოფს მუშათა კითხვას და მუშათა მოძრაობას, ვინაი-
დან ჩვენ უკვე შეგნებული გვაქვს, რომ „ერთად ერთ ბო-
ლომდე რევოლიუციონურ კლასად შეუძლიან დარჩეს“ მხო-
ლოდ პროლეტარიატს“ და რომ „მთელი ისტორია აქნა ბამდე
იყო და არის კლასთა ბრძოლის ისტორია“: ჩვენ ვერ დავთან-
მებით ტოლსტოის, როცა ის სწერს, რომ გზა აღმართის
ბედნიერებისაკენ არის პირადი „მე“-ს უსაზღვრო თვის გაუმ-
ჯობესება, რომ „სასუფეველი ღვთისა ჩვენშიგან არისო“.
ჩვენ ვიცით, რომ მდგომარეობა (ყოფა-ცხოვრება) ბადებს და
საზღვრავს შეგნებას ადამიანისას და რომ ესავე მდგომარეო-
ბა, ე. ი. არსებული პირობები უბიძგებენ თვითეულ ადამი-
ანს იმ კლასის იდეოლოგიისაკენ, რომლის ეკონომიური
მდგომარეობასთაიაც არის ის შეკავშირებული. სწორედ ამი-
ტომ არის, რომ პროლეტარის ბედნიერება მისსავე კლასიურ
ბრძოლაშია. ჩვენ ვერ მივიღებთ ტოლსტოის ვერც მოლაღს,
რომელიც ამბობს, ნუ ეწინააღმდეგები ბოროტებას ძალითო.
ვერ მივიღებთ ამას—ვინაიდან მორალი პროლეტარისა არის
კლასიური ბრძოლა. ჩვენ არ შეგვიძლია გულგრილად, აღუ-
შფოთებლად წაკითხვა ტოლსტოის იმ სტრიქონებისა, სადაც
ის გმობს რუსეთის დიდ რევოლიუციას, ვინაიდან ამ რევო-
ლიუციამ შესამჩნევად უნდა გააუმჯობესოს პროლეტარიატის
და საზოგადოთ ყველა ღარიბ-ღატაკთა მდგომარეობა რუ-
სეთში. და მარტო რუსეთში?! ჩვენ ვერ დავეთანხმებით
ტოლსტოის მისს უკიდურეს ინდივიდუალიზმში და მისს
უარყოფაში სახელმწიფოთა საზოგადოთ, ვინაიდან ჩვენ

კოლექტივისტები ვართ და სახელმწიფოში უწინარეს ყოვლისა ვხედავთ ეკონომიურ ორგანიზაციას, რომლის პოლიტიკური ძალაც ეკონომიურად გაბატონებულ კლასს უპყრია. დაბოლოს ჩვენ ვერ დავეთანხმებით ტოლსტოის რომელიც თანამედროვე სოციალური უკუღმართობის გადაწყვეტას ხედავს აგრარული საკითხის გადაწყვეტაში ტოლსტოი, როგორც ძველი ნაროდნიკი ვერ ამჩნევს, ვერ ხედავს კაპიტალიზმს. ესეც რო არ იყოს, თვით აგრარული საკითხის გადაწყვეტაშიც ვერ დავეთანხმებით ტოლსტოის, ვინაიდან აგრარული საკითხი თუნდ სანახევროდაც არ შეიძლება გადაწყვეტილ იქნას ურევოლიუციოთ. რევოლუციის კი ტოლსტოი უარყოფს.

რა არის მიზეზი ტოლსტოის ასეთ წინააღმდეგობათა. ლ. ტოლსტოი თავისი შეხედულობებით წვრილი გლეხობის იდეოლოგია, თავისი ფსიხიკით ტოლსტოი უახლოვდება წვრილ ბურჟუაზიულ სოციალიზმის წარმომადგენლებს, იმ სოციალიზმის, რომელიც აგრეთვე განსხვავდება სხვებისაგან თავისი ორმაგობით. მართალია, ორმაგიანობა ტოლსტოისა უფრო მკვეთრად გვეხატება ვინემ ორმაგიანობა წვრილ ბურჟუაზიულ სოციალისტებსა, მაგრამ თავი და თავი ისაა, რომ თვით ორმაგიანობა, საზოგადოთ თვისებაა წვრილი ბურჟუაზიისა, რომელიც ერთი გვერდით ბურჟუაზიას ეკვრის და მეორეთი კი პროლეტარიატს. ტოლსტოიმ როგორც საზოგადოთ წვრილ ბურჟუაზიულმა სოციალისტმა, გამოამჟღავნა „საოცრად ღრმა ანალიზის შემწეობით ყველა წინააღმდეგობანი, რომლებიც კი ბატონობენ თანამედროვე წარმოების ურთიერთობაში. მან ჩამოაგლიჯა ნიღაბი ფარისევლოურ მოღვაწეობას ეკონომისტებისას, რომლებიც სცდილობდნენ მისს გათეთრებას. ყოვლად უცილობლად დაუმტკიცა მათ შრომის დანაწილებასა და მანქანების გამრყვნელი გავლენა მუშებზე. მანვე მიაქცია ყურადღება კაპიტალისა და მიწის საკუთრების კონცენტრაციაზე, გადაჭარბებულ წარმოებაზე, კრიზისებზე, წვრილი მესაკუთრისა და გლეხის დაცემა-დაღუპვის აუცილებლობაზე, პროლეტარის გაჭირვე-

ბაზე და სხვა. მაგრამ დადებითი მიზნები ამ სოციალიზმისა მდგომარეობს იმის ცდაში, რომ აღადგინოს წარმოებისა და გაცვლის ძველი წესები აღადგინოს, მაშასადამე, აგრეთვე ძველი ქონებრივი ურთიერთობანი და ძველებური წყობილება; ან და ისინი გამოიხატებიან იმის ცდაში, რომ თანამედროვე წესები წარმოებისა და გაცვლისა მოათავსონ იმ ძველ ქონებრივ ურთიერთობის ბუდეში, რომელიც დიდი ხნის წინეთ დაუნგრევიათ მათვე. როგორც პირველს ისევე მეორე შემთხვევაშიც ეს სოციალიზმი წარმოადგენს ერთსა და იმავე დროს რეაქციონურსაცა და უტოპიურსაც (მარქსი და ენგელსი, მანიფესტი კომ. პარტიისა).

ჩვენ არ გვეშინიან ტოლსტოის რეაქციონერობისა და უტოპისტობისა. ვინაიდან ცხოვრების მსვლელობა გაართულებს მისი შემოქმედების ამ მხარეებს. მაგრამ ჩვენ არ შეგვიძლია არ დავაფასოთ.

ტოლსტოის ლიტერატურულ ნაწარმოებს. რადგანაც თავისი კრიტიკით ას ანგრევს ბევრს ისეთ რამეებს, რაც დაბრკოლებას წარმოადგენს პროლეტარიატის ძლევა-მოსილსულის დროს.

დღე, ტოლსტოი იყოს წვრილ ბურჟუაზიული; ნუ დავივიწყებთ, რომ მან „გამოააშკარავა ღრმა და მახვილი ანალიზის შემწეობით ყველა წინააღმდეგობანი, რომლებიც კი გაბატონებულან თანამედროვე წარმოების ურთიერთობაში“, ტოლსტოიმ იმუშავა ჩვენს პროლეტარულ ყანაშიც, და ამიტომ ის არ არის უცხო პროლეტარის გულისთვის. ტყუილად კი არ ამბობს პოეტი: Храмъ оставленный— все храмъ!

პროფესიონალური კავშირებთან დამოკიდებულება.

ამ კითხვის შესახებ კამათის დროს გამოირკვა რომ თვით მენშევიკებ შორის ორი მიმდინარეობა ყოფილა: ერთი — თფილისური, მ — ას მეთაურობით, და მეორე — ცეკისტის მეთაურობით. ეს მით უფრო საინტერესოა, და თანაც გასაკვირალი რომ ამ უთანხმოების შესახებ ადგილობრივ ს. დ. პრესაში და დისკუსიების დროს არავის კრინტიც არ დაუძრავს არც სიეზდამდი არც მერე. მაშინ, როდესაც ამავე პრესის საშვალებით „თფილისელი ოპორტიუნისტები“ ცხარე და ხანგრძლივ აგიტაციას ეწეოდნენ თავის „სპეციფიკურ (განსაკუთრებულ) ოპორტიუნიზმის“ გასავრცელებლათ პარტიულ მასსაში. ამ ცალმხრივმა (ბალშევიკებს არ ქონდათ თავისი ორგანო) აგიტაციამ, საუბედუროთ, საგრძნობელი ზიანი მისცა მუშათა მოძრაობას ჩვენში, რაც, სხვათა შორის გამოიხატა იმაში, რომ პროლეტარიატის პოლიტიკური და ეკონომიური ორგანიზაციები თან-და-თან დაშორდნენ ერთმანეთს და საერთო გამოსვლების აუცილებელ საჭიროების დროს ერთი ალთას სწევდა და მეორე ბალთას. საკმაოა გაიხსენოთ მეორე დუმის არჩევნები, ს. დ. ფრაქციის გასამართლება, პირველ-მაისობა და სხ. და თქვენ დაინახავთ, რომ ყველა ასეთ გამოსვლების დროს თვითთელი ორგანიზაცია მიდიოდა თავის საკუთარი, „დამოუკიდებელი“ გზით, და სრულიათ არ დაგიდევდა, თუ რას ფიქრობდა, რას აპირებდა მეორე ორგანიზაცია. იმ დროს, როცა ერთი აღიარებდა მაგალითად, პირველ-მაისობის საჭიროებას, მეორე ამას უარყოფდა პირიქით. ამნაირათ სერიოზული კლასიური ბრძოლის გატარება შეუძლებელი ხდებოდა. იყო ისეთი შემთხვევებიც, როცა ორივე ორგანიზაცია ერთ გზას ადგებოდნენ, მაგრამ, საუბედუროთ, ეს სოლიდარობა იყო სოლიდარობა ოპორტიუნიზმის და არა რევოლუციონური ტაქტიკის. საზოგადოთ ემჩნეოდა და დღესაც ემჩნევა ჩვენში, ამ მენშევიზმის სამეფოში, ბაქოს გარდა, რომ პროფესიონალური ორგანიზაცია უფრო რევოლუციონურ გზას ადგებოდა, ვიდრე პოლიტი-

კური; ამ უკანასკნელში მასსა მეტ რევოლუციონერობას იჩენდა, ვიდრე ხელმძღვანელები, მეტადრე ინტელიგენტები.

ამ კითვის შესახებ მომხსენებლათ წამოაყენეს თფილისის დელეგატი. მ—ა, რომელმაც ამათ შეეცადა გაემართლებია ის ყალბი პოლიტიკა, რომელსაც იგი და მისი ჯურის მენშევიკები ატარებდნენ თფილისის პროფესიონალურ კავშირებში. თავის უშინაარსო და ყოვლათ დაუსაბუთებელ სიტყვაში მან წამოაყენა შემდეგი მოსაზრება: კავშირები უნდა იყოს უპარტიო, როგორც მათი გაფართოვების და მთლობიანობის თავდები. პარტიული ფირმა აფრთხობს შეუგნებელ მასსას და კავშირს აშორებს. სოც.-დემოკრატები კავშირში უნდა ატარებდნენ „წმინდა“ ს. დ. პოლიტიკას, მარა ისე კი, რომ მუშებს არ გააგებონ თავიანთი პარტიული ვინაობა. სიფრთხილე, თანდათანობა და პირბადე—აი ჭეშმარიტი პოლიტიკა. მთელი ჩვენი იმედი უნდა დავამყაროთ ლეგალურ ფართო კავშირებზე. მხოლოდ იმათკენ უნდა მივიღოთ დედა. ყოველგვარი ორგანიზაციული კავშირი პარტიისა და კავშირებს შორის შეუწყნარებელიაო.—მომხსენებელმა ვერც ერთი ისტორიული მაგალითი ვერ მოიყვანა თავის უპარტიოების და ნეიტრალობის გასამართლებლათ. ან კი როგორ შეეძლო ეს, როცა მთელი ისტორია პროფესიონალური მოძრაობისა მთელ ევროპაში და რუსეთშიაც ამის წინააღმდეგს ღაღადებს; სხვას რომ ყველაფერს თავი დავანებოთ, შტუტგარდის საერთაშორისო სოციალისტურ სიეზდს ხომ გვერდს ვერ აუხვევს ცოტათ თუ ბევრათ შეგნებული სოციალ-დემოკრატი, მით უფრო შეუძლებელი უნდა იყოს ასეთი გვერდის ახვევა იმ სოციალდემოკრატისათვის, რომელსაც პროფესიონალურ მოძრაობის ბელადათ მოაქვს თავი. ამ სიეზდმა ხომ სამარადისოთ დაასაძარა ეს მენშევიკების ხელისხელ საგოგმანები უპარტიოება და ნეიტრალობა.

მემარჯვენე მენშევიკ მომხსენებელზე, ბალშევიკს გარდა, სასტიკი იერიში მიიტანა მისმა ფრაქციულმა თანა მოაზრემ—ცეკისტმა, რომელმაც ამ კითხვაში მოსაწონი მემარცხნეობა გამოიჩინა, თფილისელ მენშევიკებთან შედარებით,

რასაკვირველია, წინააღმდეგ მისი უკიდურესი მემარჯვენეობისა. პირველ კითხვაში (პარტიული მუშაობის შესახებ.) ცეკისტ-მენშევიკის სიტყვა იყო მოკლე, მარა სამაგიეროთ, შინაარსიანი, მეტადრე თავის კრიტიკულ ნაწილში, იქ, სადაც იგი სასტიკათ გამოხდა თფილისელ მენშევიკების პოლიტიკას. ამიტომ საჭიროთ მიმაჩნია მისი სიტყვაც მოვიყვანო დაახლოვებით მაინც, საყურადღებოთ და საგულისხმოთ იმ მენშევიკ-პროფესიონალისტებისა, რომლებიც გაჟღენთილი არიან „თფილისური ოპორტიუნიზმით“. მან სთქვა: თფილისელ მენშევიკებს თავი მოსწონთ თავის უპარტიობით. უპარტიობის მომხრე მეც გახლავართ, მარა ეს მე დროებით აუცილებელ საშუალებათ მიმაჩნია. თქვენი პოლიტიკა (მიმართავს მ—ს და მის კომპ.) მომაგონებს იტალიანურ ორმაგ(?) (ДВОЙНАЯ) ბულალტერიას: პარტიაში სოც.-დემოკრატიზმით და კავშირში-კი თავს ანებებთ სოციალდემოკრატიზმს, როგორ სრულიათ ზედმეტს და უსარგებლო ბარგს. თქვენი იპორტიუნიზმი რაღაც განსაკუთრებული, წმინდა თფილისური ოპორტიუნიზმია და მეტი არაფერი. თქვენი უპარტიობა უბრალო ნეიტრალობას წარმოადგენს: თქვენ პოლიტიკას ის ნაყოფი მოაქვს, რომ თქვენი დამჯერე მუშები ერთნაირი უნდობლობით უნდა უყურებდნენ ყველა პოლიტიკურ პარტიას, სულ ერთია, პროლეტარულია ის თუ ბურჟუაზიული. მე ვფიქრობ პირიქით: სოციალდემოკრატები კავშირებშიაც სოციალდემოკრატებათ უნდა დარჩნენ და ყოველთვის შეერთებულათ უნდა მოქმედებდნენ. ასეთი მსჯავრი თფილისელ ოპორტიუნიზმების შესახებ სრულიათ სამართლიანი იყო, მარა ბელაც ის არის, რომ ამის მთქმელიც ისეთ ყალბ-ყალბ ნიადაგზე დადგა, როგორც მის მიერ განსჯილი ოპორტიუნიზმები, ე. ი. ის დადგა არსებითად იმავე უპარტიობის ნიადაგზე, რაც პრაქტიკულათ, ცხოვრებაში სრულ ნეიტრალობამდე ჩამოქვეითდა და უსათუოდ ჩამოქვეითდება ყოველთვის, ვინც უნდა იყოს ამ უპარტიო კაობის მატარებელი.

ამ ორ მენშევიკს პასუხი გასცეს ბალშევიკმა და ცეკისტ ლატიშმა (ე. წ. „ბოლოტოს“ წარმომადგენელმა), რომლებ-

მაც შემდეგი აზრი გაატარეს: უპარტიოება პრინციპიალურათ
უარ-საყოფია. პარტიული პროფესიონალური კავშირები ჩვენი
იდეალია. ამ იდეალის განხორციელება შეიძლება თანდათან,
პარტიასა და კავშირებს შორის მჭიდრო იდეიურ და ორგა-
ნიზაციულ დამოკიდებულების განმტკიცების საფუძველზე.
ჩვენ გვინტერესებს პარტიული შინაარსი და არა ფირმა.
ჩვენ უნდა ვიდგეთ ლონდონის და შტუტგარდის სიეზდების
თვალთახედვის წერტილზე, რომლებმაც ხანგრძლივი ისტო-
რიული გამოცდილების მიხედვით სამუდამოთუარ-ყვეს უპარ-
ტიოება-ნეიტრალობა და აშკარათ აღიარეს ასეთი მჭიდრო
კავშირის განმტკიცების აუცილებლობა. ეს არის ერთად-ერ-
თი სწორი პრინციპი არა მარტო ევროპისათვის, არამედ
რუსეთისათვისაც. თქვენ გუნდრუკს უკმევთ ლეგალურ კავ-
შირებს და ამავე დროს გავიწყდებათ, რომ თვითმპყრობე-
ლობა გამოუთქმელი სიმხეციით და ბარბაროსობით მუსრს ავ-
ლებს და ანადგურებს ყოველ-გვარ კლასიურ ნიადაგზე მე-
ბრძოლ კავშირებს. ჩვენ ვფიქრობთ, რომ ყოველი ღონის-
ძიება უნდა ვიხმაროთ არალეგალური კავშირების მოსაწყო-
ბათ ყოველგან, სადაც ლეგალურ კავშირებს არა აქვთ ნია-
დაგიო. კავშირების მკვიდრ ნიადაგზე დასაყენებლათ და
მთავრობის რეპრესიებთან საბრძოლველათ საჭიროა ფაბრიკა-
ზავოდებში პარტიულ იაჩიეკებთან ერთად მოეწყოს პროფე-
სიონალური იაჩიეკებიც. ორგანიზაციული კავშირი პარტიასა
და კავშირებს შორის არა თუ არ დაასუსტებს და დაარღვევს
კავშირებს (ამის წინააღმდეგი ერთი მაგალითი მაინც მოგე-
ყვანათ!), პირიქით, უფრო გაანაყოფიერებს და გააძლიერებს
პროლეტარიატის ნამდვილ კლასიურ ბრძოლასო. ამით გა-
თავდა კამათი ამ კითხვის შესახებ, თუ სახეში არ მივიღებთ
თითო-ოროლი მენშევიკის თითო-ოროლა უსაბუთო აზრს.

როცა ჯერი მიდგა რეზოლიუციებზე, სიეზდზე მოხდა
ერთი საგულისხმო კურიოზი: ცეკისტ-მენშევიკმა შემოიტანა
თავის საკუთარი რეზოლიუცია, რომლის შესახებაც ბალშე-
ვიკმა განაცხადა, რომ იგი საერთოდ ეთანხმება ცეკისტის
რეზოლიუციას, მხოლოდ ნებას მისცემს თავის თავს, ზოგი-

ერთი შესწორებები შეიტანოს შიგ. კურიოზი იწყება მაშინ, როცა მომხსენებელმა განაცხადა, რომ მე საკუთარ რეზოლიუციას შემოვიტანო და შეუდგა წერას. ამ დროს მას ბალშევიკმა ირონიულათ შეკითხა, რატომ ახალ რეზოლიუციას ადგენ და თფილისის კომიტეტის რეზოლიუცია არ შემოგაქვსო. მარა ეხლა მ-საც ცხადი იყო, რომ ამ წმინდა „თფილისური ოპორტიუნიზმით“ გაჟღენთილ რეზოლიუციას, — რომელსაც დიდი გულმოდგინებით იცავდენ „თფილისელი ოპორტიუნისტები“ სასიეზდო დისკუსიების დროს (პრესა კიდევ სხვა), — ცეკისტის რეზოლიუციის შემდეგ დიდი გასავალი აღარ ექნებოდა ამ ულტრა-მენშევიკურ სიეზდზედაც კი. იმ სხდომაზე მომხსენებელმა ველარ მოასწრო (უმაღლესი — ველარ მოახერხა!) საკუთარი რეზოლიუციის შედგენა და სიეზდს სთხოვა, ხვალემდი მადროვეთო. სიეზდმა, რასაკვირველია, შეიწყნარა ეს თხოვნა და შემდეგ სხდომაზე წარმოდგენილ იქნა ერთი რეზოლიუცია, მ-ს და ცეკისტის მიერ ერთად შედგენილი (დიპლომატიამ უკვე გასჭრა!), რომელიც სიეზდმა უცვლელად მიიღო. ყველა შესწორებები ლატიშის და ბალშევიკის მიერ შეტანილნი, ერთსულ ოვნათ (!) უარ-ყოფილ იქნა.

ამ სიეზდის მიერ მიღებულ რეზოლიუციის შესახებ უნდა ითქვას, რომ რა გინდ ბევრი ნაკლულევანება ქონდეს მას ბალშევიკების თვალთახედვის ისრით რომ შევხედოთ, იგი, შედარებით „თფილისურ ოპორტიუნიზმთან“, მაინც დიდი ნაბიჯია, კავკასიელ მენშევიკების მიერ წინ გადადგმული. მაგრამ აქვე უნდა შევნიშნოთ ერთი რამ: ამიერ-კავკასიის ს. დ. სიეზდი შეგნებულათ გვერდს უვლიას ლონდონის რეზოლიუციას (შტუტგარდზე რაღა გვეთქმის!), რომელიც მისთვის სავალდებულო უნდა იყოს. ამას და სხვა მრავალ მსგავსს მოვლენებს ამიერ-კავკასიის პარტიულ ორგანიზაციებში სერიოზული ყურადღება უნდა მიაქციოს ყველამ, ვისაც აინტერესებს პარტიული დისციპლინის, ე. ი. პარტიული მთლიანობის საქმე.

ახსნა-განმარტება ლონდონის სიეზდზე მიღებულ რევოლუციის პარტიზანულ მოქმედებაზე.

მას შემდეგ, როცა სიეზდმა თავის პირველ რევოლუციის რუსეთის რევოლუცია რამდენიმე ათი წლით დაასამარა და რევოლუციონურ გამოსვლებისათვის მზადება არა სოციალდემოკრატიულ საქმეთ გამოაცხადა, რაღა გასაკვირალია, რომ ამავე სიეზდს პარტიზანულ მოქმედების შესახებ რევოლუციაში სასტიკათ დაეგმო ყველაფერი ის, რასაც რაიმე კავშირი აქვს რევოლუციონურ ბრძოლის მეტოდთან, რევოლუციონურ გამოსვლებთან, შეიარაღებულ აჯანყებისათვის მზადებასთან და სხ. სიეზდმა ერთი კალმის მოსმით გააქარწყლა მეგრძოლი დრუჟინები (თუ კიდევ დარჩენილიყო). შეუწყნარებლათ გამოაცხადა პარტიული მილიციის მოწყობა, ასე წარმოიდგინეთ, პარტიის წევრების მიერ სამხედრო ხელოვნების შესწავლა-კი და ამისათვის ინსტრუქტორების ყოლა. სიეზდმა აბსოლიუტურათ უარ-ყო ყოველგვარი ტერორი, თუმცა ს.-დ. ორგანიზაცია თავის დასაცავათ უკიდურეს შემთხვევებში ყოველთვის მიმართავდა ამ საშუალებას და დღესაც მიმართავს, მიუხედავად სიეზდის დადგენილებისა; მარა ამავე დროს ყველა სოციალდემოკრატიზმ იცის, რომ ინდივიდუალური ტერორი სოციალდემოკრატიისათვის არ წარმოადგენს პოლიტიკური ბრძოლის მეთოდს, როგორც ფიქრობენ ს.-რ.-ები. ეს რევოლუცია ტერორის შესახებ არა თუ უსარგებლოა, არამედ მავნებელიც არის იმ მხრით, რომ უფრო ხელს შეუწყობს უორგანიზაციო, ანარქისტულ ტერორის განვითარებას სოციალდემოკრატიებში. სიეზდზე კამათი გამოიწვია, უმთავრესათ, პარტიულ მილიციის საკითხმა. მენშევიკები და ლატიში ამტკიცებდნენ, რომ ლონდონის სიეზდი კრძალავს პარტიული მილიციის ყოლას. ისინი ამბობდნენ, რომ თუმცა პირადათ თვითეულ სოციალდემოკრატს დიდი არაფერი დაუშავდება(!) სამხედრო ტექნიკის ცოდნით, მარა პარტია აქ რა უნაშია. ბალშევიკი ამტკიცებდა წინააღმდეგს და მოკ-

ყავდა, სხვათა შორის ის მოსაზრებაც, რომ რადგანაც შეიარაღებული ბრძოლა რეაქციასთან აუცილებელია და ამ ბრძოლაში პროლეტარიატმა ყველაზე უფრო აქტიური როლი უნდა იკისროს, ს. დ.-სათვის, როგორც პროლეტარიატის მოწინავე რაზმისათვის მით უფრო აუცილებელია სამხედრო ხელოვნების ცოდნა. და თუ ეს აგრეა, ამბობდა იგი, საჭიროა პარტიამ თვითონ იკისროს ამ საქმის მაღალ სიმაღლეზე დაყენება, ეს კი შეუძლებელია უორგანიზაციით. თუ რამდენათ უმნიშვნელოთ თვლიდა სიეზდი პარტიული მილიციის საკითხს, ეს, სხვათა შორის, ნათლათ გამოიხატა ლატიშის ერთ შენიშვნაში: როგორც მუსიკალური ხელოვნების გავრცელებას თავის წევრებში ვერ იკისრებს პარტიული ორგანიზაცია, ისე სამხედრო ცოდნის გავრცელებაც არ შეადგენს პარტიის მოვალეობასო! მოდი და ელაპარაკე ასეთ ადამიანებს! Что ему нужно. სიეზდმა პირბადე აიფარა და სთქვა: კერძოთ არავას ეკრძალება სამხედრო ტექნიკის ცოდნაო, და ამავე დროს თუ რამდენიმე პარტიის წევრმა შეადგინეს თუ გინდ პატარა ჯგუფიც და ერთად შეუდგენ სამხედრო ხელოვნების შესწავლას და ამისთვის, შეიძლება, ინსტრუქტორიც კი მოიწვიეს, სიეზდის დადგენილების ძალით ასეთი ჯგუფი უსათუოდ უნდა დაიშალოს. სიეზდის დადგენილების დედა აზრი იმაში მდგომარეობს, რომ პარტიის წევრებს ერთმევათ ყოველგვარი საშვალეობა სამხედრო ტექნიკის შესწავლის ისე, თუ სიეზდის დადგენილება არ გადალახეს.

დავანებოთ შეიარაღებულ აჯანყებას თავი (რომლის აჩრდილი მოსვენებას არ აძლევს სიეზდს!) და ერთ წამს წარმოვიდგინოთ ხშირათ მოსალოდნელი დღევანდელ რუსეთში პაგრომი რომელიმე სახით: რა როლი უნდა იღვას თავს იმ პარტიულმა ორგანიზაციამ, რომელსაც არ მოეპოვება არც ერთი იარაღი და არც უნარი აქვს იარაღის ხმარების!. ესლა წარმოიდგინეთ, რომ ერთ მშვენიერ დღეს შავრაზმელები თავს დაესხენ თვითონ პარტიას, მაგალითად, ნაძალადევის. რას იზამს ამ დროს ასეთი უმწეო ორგანიზაცია!

შავრაზმელეჯს თავი დავანებოთ და ერთ წამს წარმოვიდგინოთ, რომ შანტაჟისტებმა მიიტანეს იერიში პარტიაზე, (ესეც შესაძლებელია), რით შეუძლია ასეთ ორგანიზაციას გამკლავება? ლეგალიზაციით გატაცებულ მენშევიკური სიეზდი გვერდს უხვევს ყველა ამ საჭირ ბოროტო კითხვებს, გულუბრყვილოთ დარწმუნებული იმაში, რომ მის რეზოლიუციებს დიდი გასაღალი ექნება პარტიის ცხოვრებაში. ჩვენკი, პირიქით, დარწმუნებული ვართ იმაში, რომ ამიერკავკასიის მეხუთე სიეზდის რეზოლიუციები, როგორც მომენტი სრულიათ შეუფერებელი და უნიადაგო დარჩება პარტიის ცხოვრების გარეშე.

დასასრულ სიეზდმა აირჩია საოლქო კომიტეტის ცხრა წევრი და იმდენივე კანდიდატები, ყველა მენშევიკი, რასაკვირველია.

ბეკი.

ზრგესის მიმოხილვა.

ჩვენ, ბოლშევიკებს, არ გვეთქმის ყურადღებას არ გვაქცევნო. ვინ გინდა რომ ჩვენზე არ ლაპარაკობდეს: კომიტეტი პირველი რაიონის, ორი რაიონის კონფერენცია, თბილისის კოლლექტივი, საოლქო კომიტეტი და სხვა. ალაპარაკდენ ჩვენზე ლეგალური ს. დ-ბიც. ამხანაგებმა უწყიან, რომ თფლისში პარტიიდგან გასული სოც.-დემოკრატების ჯგუფი სცემს ორგანოს. ჩვენი მუშაობა სწორედ მათ არ აძლევს მოსვენებას, უფროთხობს მათ ძილს, და აი ისინიც ისვრიან ჩვენკენ თავის ბებრულ ნერწყვს.

აი რას სწერს გაზ. „შურდულის“ № 2: „მუშათა კლასის სულიერი წაფორხილებით სარგებლობენ ზოგი ვითომდა მისი მეგობრები და მასში კიდევ მეტი შუღლი და განხეთქილება შეაქვთ. უკაცობით გათამამებულნი ახლა დროს შოულობენ და ათასნაირ შენ-ჩემობას ფრაქციულ შენ-ჩემობასაც უმატებენ“. ნება გვიბოძეთ შეგვეკითხოთ ძვირფასო ლეგალურო ს. დ., ვინ არიან ეს ვითომ და ამხანაგები, ჩვენ, რომლებიც ყოველ გასაჭირ დროს პროლეტარებთან ხელი-

ხელ ჩაკიდებული დავაღო, თუ თქვენ, რომლებმაც მიატო-
ვეთ პარტია, როცა ის საშიში გახდა, და როცა მის გარედ
თბილად მოკალათება საიმედოა? ეს „უკაცობე“ რისთვის-ღა
დაგიდგათ? იმიტომ ხომ არა, რომ საშიში და მოსაწყენი
გახდა მუშებთან სიარული? ნუ თუ თქვენ არ უწყით, რომ
თქვენ რიცხვით გაცილებით მეტი ხარო ჩვენზე, მხოლოდ
ჩვენ ვმუშაობთ პარტიაში და თქვენ კი გარბიხართ იქიდან.
ნება გვიბოძეთ ერთი კიდევ შეგვეკითხოთ: რითი შეგვაქვს
ჩვენ შუღლი და განხეთქილება პარტიაში? შეიძლება იმით,
რომ ჩვენ მუშებს ვაცნობთ ს. დ. პროგრამასა და ტაქტიკას;
ან იმით, რომ მოუწოდებთ შექმნან მტკიცე და მომკმედი
ორგანიზაცია? დიახ, თქვენ, შორიდან უზრუნველათ მამზე-
რალთ ყველაფერი უკულმა გეჩვენებათ.

*
**

იგივე ლეგალური ს.-დ. გამოსთქვამენ თავის აზრს ს.
დ. მუშაობას დუმაში. ისინი აღნიშნავენ იმ ფაქტს, რომ
ცენტრალურ პეტერბურგის მთავრობის ყურადღება კავკასიის
მხარეზეა მიქცეული, და აი ისინი ფიქრობენ რომ: „არ იქ-
ნება ზედ-მეტი, თუ დუმაში შედგა ეგრედ წოდებული „კავ-
კასიის ჯგუფი“. შესაძლოა ასეთი ჯგუფი შესდგეს ოპოზი-
ციონურ დეპუტატებისაგან და საერთო ძალით შეეცადონ
იმის განხორციელებას, რაც მათთვის საერთო იქნება, რასაც
ასე ვთქვათ „ფრჩხილების გარეშე გამოტანა შეიძლებოდეს“
გარდა ამისა ასეთ ჯგუფს ექნებოდა ინფორმაციული მნიშვნე-
ლობა; საერთო ძალით მხარეს შესწავლა, რასაკვირველია
საგრძნობლად გაუადვილებს საქმეს თვით კავკასიის დეპუტა-
ტებს და საერთოთ მთელ დუმასაც“. (შურდული № 3) ეს
ეს საუცხოვოა, ჩვენო მეგობრებო! კავკასიის ჯგუფი შემ-
დგარა სხვა და სხვა პარტიის დეპუტატებისაგან! სოც.-დემო-
კრატ. ხომ კარგავს იქ თავის ფიზიონომიას (სახეს), ის ხომ
ილესება ამ საერთო ბურჟუაზიულ ბლოკში? თქვენ მათთვის
საერთო პროგრამის მომხრეა ხართ. ჩვენი პარტიის პრო-
გრამას რაღას უშვრებით. ივიწყებთ, რა თქმა უნდა, მის
არსებობას. ჩვენო კარგო! ნუ ეხვევით ისეთ „მანტიაში“,

რომელიც თქვენ სულ არ გიხდებათ. დაარქვით თქვენ თავს ნამდვილი მარტოვი, სწორი, უბრალო სახელი: დემოკრატი-ბი! ნამდვილი სოციალდემოკრატები დაკმაყოფილდებიან ინფორმაციონული ბიუროთიც (ცნობათა შესავსებად), მაგრამ თქვენ „კავკასიის ჯგუფი“ ხართ!.. ჰმ, საით გაუსვეს!

* *

თბილისელ ოპორტიუნისტ ს-დების გაზეთი „ეკალი“ № 12 ლაპარაკობს ბოლშევიკებზედაც! ღმერთო ჩემო! რა შეექმნათ მათ პარტიულ მიმდინარეობათა შესახებ, გარდა საზიზღარი ცილის წამებისა? აი მოუსმინოთ მათ: „ვინ იცის რავდენს ოცნებობდენ „როსიელები“ იმ წამზე, როდესაც ბოლშევიკური ცენტრალური კომიტეტი სმელად აიღებს „ოტოზოვისტების“ საბუთებს, დაადგება „რევოლიუციონურ ტაქტიკას და ფრაქციას დაშლილად გამოაცხადებს. ერთი სიტყვით აშკარაა, რომ როსია დიდი თანამგრძნობია „ოტ-ზოვისტების“...

„იმ დროს, როცა ეს მცირე გუნდი მუშათა ავანგარდი-სა პირისპირ არის შებმული მტერთან სამკედრო-სასიცოცხლო ბრძოლაში, ამდროს მას თავის ამხანაგები, მოღალატურათ უკანიდან თავს ესხმიან. ვინ არ იცის, თუ როგორი იერიში მიაქვს „ბოლშევიკებს“ ფრაქციაზე. მათი ორგანიზაციები და აგიტატორები მთელ კომპანიას აწარმოებენ, რომ პარტიაზე გავლენა მოახდინონ და რამენაირად ს. დ. ფრაქციას დუმა დაატოვებინონ და ამ მიზნისთვის არავითარ საშვალებას არ ერიდებიან“. საიდან შეთხზეთ ეს ძვირფასო ამხანაგებო? ეს ან შეგნებული სიცრუეა, ან და უმეცრებაა? მოსკოვში მარ-თლაც გამოჩნდა პატარა ჯგუფი „ოტოზოვისტებისა“, მაგრამ მოსკოვის კონფერენცია ამბობს, „რომ ეხლახან ს. დ. ფრაქ-ციის გამოწვევა დუმიდან, მათი დაშლა პროლეტარიატის კლასიურ ბრძოლაზე ცუდ გავლენას იქონიებსო“. თქვენ, მაშ, საიდგანლა გამოატყვირეთ, რომ თითქოს ბოლშევიკე-ბის ორგანიზაციები და აგიტატორები ცდილობდენ ფრაქცი-ის უკან გაწვევას? რისთვის დაგჭირდათ ეგ სიცრუე?

რა თქმა უნდა ჩვენ არ დავაფარებთ ხელს ფრაქციის

კავშირებული ერთმანეთთან პრინციპიალური და ტაქტიკური კითხვები, არ გესმით რომ ისინი არ გაიყოფიან.

ამხ. მუშებო! თუ თქვენ დაინტერესებული ხართ საქმიანსა და სერიოზულ ორგანიზაციის მოწყობაში, კარგათ უნდა გახსოვდეთ, რომ შეგნება და ცოდნა ს. დ. პროგრამისა და ტაქტიკისა საუკეთესო იარაღია ჩვენ ხელში, მენშევიკები კი, რომ დაიცვან თავისი ბატონობა ორგანიზაციაში სცდილობენ ამაში ხელი შეეშალონ; და ჩვენ დარწმუნებული ვართ, რომ ყველა შეგნებული წევრი პარტიისა, ყველა ამგვარ დანაშაულის ჩამდენთ, რომელ მხარესაც უნდა ეკუთვნოდენ ისინი ერთხმად და გულის წყრომით შესძახებენ: ხელი შორს!

რევოლიუცია ახლობელ აღმოსავლეთში.

რუსეთის რევოლიუციამ ერთსა და იმავე დროს გავლენა იქონია, როგორც დასავლეთზე ისე აღმოსავლეთზე. განსაკუთრებით იმ გარემოებამ, რომ რუსეთში რევოლიუციის მეთაური იყო პროლეტარიატი, კვლავ გამოაცოცხლა ევროპის პროლეტარიატი, რომელმაც მეტის ენერგიითა და ძლიერის გატაცებით კვლავ შეუდგა ბრძოლას დემოკრატიზაციისათვის. ხოლო იმ გარემოებამ, რომ რუსეთში ბრძოლა მიმართული იყო ბატონ-ყმური ნაშთების წინააღმდეგ, დააჩქარა ბრძოლა სპარსეთში ფეოდალური ურთიერთობის წინააღმდეგ. იქ, როგორც ვიცით, ხდება რევოლიუცია, მაგრამ მისი მეთაური და მამოძრავებელი ნორჩი ბურჟუაზია, რომელსაც ამ ბოლო ხანებში მხარში უდგება გლეხკაცობაც. რადგანაც სპარსეთში პროლეტარიატი არ არის, ბურჟუაზია იქ რევოლიუციონურია. ამიტომ ამ ბურჟუაზიას, უფრო სწორედ რომ ვსთქვათ, წვრილ ბურჟუაზიას არ ეშინია რევოლიუციის გაღრმავების და თანდათან რევოლიუციაში ითრე ვსახალ-ახალ ძალებს. ამ ბურჟუაზიას ჯერ არ ყავს მოწინააღმდეგე, მას არ აფრთხობს სოციალიზმის საშიშარი აჩრდილი. ამიტომ ის თავდადებით იბრძვის წინააღმდეგ შახის მთავრო-

ბისა, რომელიც იცავს ფეოდალთა ინტერესებს. მაგრამ სპარსეთის რევოლუციას მოწინააღმდეგეთ მარტო შახი და მათი მომხრეები კი არა ყავს. თუ როგორც რუსეთის რევოლუციამ გამოიწვია სპარსეთის რევოლუცია, ისე რუსეთის თვითმპყრობელობა (ჩვენში ხომ კონსტიტუცია არ არის) იწვევს სპარსეთის რეაქციას და შველის სპარსეთის თვითმპყრობელობას. მთავრობა ხედავს, რომ, თუ სპარსეთში დემოკრატიული წესები დამყარდა, მაშინ რუსეთის საქონელს აღარ შეუძლია კონკურენცია გაუწიოს ინგლისისას, ამიტომ არის რომ შახის რეაქციას მხარს უჭერს და ამის საშვალებით ცდილობს სპარსეთის ბაზრის ხელში ჩაგდების. ამიტომ ჩვენ ვფიქრობთ, რომ სრული გამარჯვება სპარსეთის რევოლუციის მოუხერხებელი იქნება, თუ რუსეთშიაც სრულიათ არ გაიმარჯვა რევოლუციამ. ცხადია აგრეთვე, რომ რევოლუციის გამარჯვებას თან მოყვება კაპიტალიზმის განვითარება სპარსეთში, რაიც წარმოშობს მუშათა მოძრაობას და მასთან ერთათ—სპარსეთის სოციალ-დემოკრატიასაც. ახლო მომავალში ამ მიძინებულ ქვეყანაშიაც გაისმის ძლიერი ხმა: „პროლეტარებო ყველა ქვეყნისა, შეერთდით“. საერთაშორისო პროლეტარიატის ოჯახს კვლავ შეემატება ახალ-ახალი რაზმები და ჩაგრულთა და დაყვლეფულთა. და ჩვენ, როგორც რევოლუციონური სოციალ-დემოკრატები, უგზავნით სპარსეთის ხალხს ჩვენ სოციალ-დემოკრატიულ საღამს და სურვილს რევოლუციის სრული გამარჯვებისა.

გაუმარჯოს რევოლუციას!

როგორც ვიცით, რევოლუციაა ოსმალეთშიც, რომლის მთავრობა თავის სიმხეციით არ ჩამოუვარდებოდა რუსეთისას. სისხლის მსმელმა სულთანმა თავისი თავი გამოაცხადა პროგრესის მომხრეთ. მაგრამ ოსმალეთის რევოლუცია თავისი ხასიათით განირჩევა სპარსეთის რევოლუციისაგან. თუ უკანასკნელი მოგვაგონებს საფრანგეთის დიდ რევოლუციას, მაშინ პირველი შეიძლება მივამგზავსოთ გერმანიის 1848 წლის რევოლუციას. ოსმალეთში უკვე არსებობს კაპიტა-

ლისტური ბურჟუაზია, რომელსაც არ შეუძლია კონკურენ-
ცია გაუწიოს ევროპას და ამიტომ სურს შინაური ბაზარი
უზრუნველ ყოს თავისი თავის, ის კი არა გარეშე ბაზარ-
ზედაც უჭირავს თვალი (მოვიგონოთ სპარსეთ-ოსმალეთის
კონფლიქტი მიმდინარე წლისა). ეს ბურჟუაზია ასე თუ ისე
კიდევაც იცნობს მუშათა მოძრაობას, ამიტომ უფრო ნაკლებ-
ბათ რევოლუციონურია. მას სურს თავის ხელში ჩაიგდოს
პოლიტიკური ძალა-უფლება, მაგრამ სრულობით არ სურს
შეეხოს სოციალურ ურთიერთობას. მაგრამ ეს უაზრო ოც-
ნებაა: დღევანდლამდის არც ერთს პოლიოიკურ რევოლუ-
ციას ვერ აუვლია გვერდი სოციალურ რევოლუციისათვის.
სხვანაირათ არც შეიძლება, ახალგაზდა ოსმალები ჯერეთვე
იჩენენ თავის რეაქციონერობას. გაფიცულ მუშების წინა-
აღმდეგ მიღებული სასტიკი ზომები: გადაახლება უცხოელ
აგიტატორების, სასჯელი ადგილობრივ პროლეტარებს, შე-
სანიშნავი დეკრეტები კონსტანტინეპოლის გაზეთების მი-
მართ, თუ რაზე სწერონ და რა ტონით, ყველა ესენი გვი-
ჩვენებენ, რომ ახალგაზდა ოსმალები, რომელთაც აღტაცე-
ბაში მოყავს ჩვენი კადეტები, არც ისე შორს წასულან
შინანდელი სულთანის „გმირებიდან“. ახალგაზდა ოსმალთა
მაზე მღერიან დაშნაკცაკანებიც, რომელნიც თავის თავს
სოციალისტებს უწოდებენ. არც ერთსა და არც მეორეს
არაფერი არ გაუკეთებია რევოლუციის გასაღრმავებლათ.
ჯერ პარლამენტი არც კი აქვთ, მაგრამ პარლამენტარული
კრეტინიზმით კი შებოჭილი არიან. მაგრამ ხალხის ინტერე-
სი მოითხოვს, ფეოდალური დამოკიდებულება დაჩქარებით
იქმნას დარღვეული. და, ვფიქრობთ, რომ ოსმალეთში ჩქარა
იფეთქებს გლეხთა აჯანყება. გაიწმინდება ოსმალეთიც ბა-
ტონყმურ წეს-წყობილებისაგან, გამაგრდება კაპიტალიზმი და
ამ უკანასკნელთან ერთად გამაგრდება პროლეტარიატიც.
ოსმალეთის მუშათა კლასი აღმართავს სოციალიზმის წითელ
დროშას და ამით გაამრავლებენ მეზობლათ სოციალისტურ
წეს-წყობილებისათვის.